

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

#### **“Коми Республикаын социальной услугаясөн могмөдысьясөн сетан социальной услугаяс лыддьөг вынсьөдөм йылысь” Коми Республикаса Оланпасө вежсьөмьяс пыртөм йылысь**

Примитөма Коми Республикаса

Каналан Сөветөн

2022 вося лөддза-номья төлысь 23 лунö

**1 статья.** Пыртны “Коми Республикаын социальной услугаясөн могмөдысьясөн сетан социальной услугаяс лыддьөг вынсьөдөм йылысь” Коми Республикаса Оланпасө (Коми Республикаса канму власьт органьяслөн индөд-тшөктөмьяс, 2014, 33 №, 670 ст.; 2015, 26 №, 360 ст.) татшөм вежсьөмьяс:

Коми Республикаын социальной услугаясөн могмөдысьясөн сетан социальной услугаяс лыддьөгын, мый вынсьөдөма индөм Оланпасөн (содтөдын):

1) 1 пунктса 1 пунктувлысь “а”, “б” да “в” пунктувьяс гижны тадзи:  
“а) вынсьөдөм нормативьяс серти олан жыр площадьөн могмөдөм;  
б) вынсьөдөм нормативьяс серти вердөм;  
в) вынсьөдөм нормативьяс серти небыд көлуйөн (паськөмөн, көмөн, улыс дөрөм-гачөн да узьлан көлуйөн) могмөдөм;”;

2) 2 пунктын:

а) 1 да 2 пунктувьяс гижны тадзи:

“1) социальной услугаяс босьтысьясөс дөзьөритөмсө котыртөмкөд, налөн дзоньвидзалун бөрся видзөдөмкөд йитчөм процедураяс вөчөм (вир-йылысь температура, артериальной давление мерайтөм, лекарствояс примитөм бөрся видзөдөм да с.в.);

2) дзоньвидзалун бурмөдан мероприятиаяс нуөдөмын отсалөм;”;

б) 4 пунктун гижны тадзи:

“4) социально-медицинской юалөмьяс серти консультируйтөм (социальной услугаяс босьтысьяслысь дзоньвидзалун кутөм да видзөм, дзоньвидзалун бурмөдан мероприятиаяс нуөдөм, налөн дзоньвидзалунын торксьөмьяс төдмалөм);”;

3) 4 пунктса 1 да 2 пунктувьяс гижны тадзи:

“1) социальной услугаяс босьтысьяс бөрся, кодьяс сьөкыда висьöны, социальной услугаяс босьтысьяс бөрся, кодьяслөн эмось оломын дзескөдөмьяс, сы лыдын вермытөм челядь бөрся, öтувья дөзьөритөмын уджалан кужанлуньясö велөдөм;

2) вермытөм челядьöс, кодьясöс быдтöны гортын, асьнысö могмөдны, сёрнитны кужанлуньясö велөдөмын, кутшөмьяс отсалöны сөвмыны мортлы, татшөм челядьлөн бать-мамлы да оланпас серти мукөд петкөдлысьлы отсөг сетөмсö котыртөм;”;

4) 5 пунктса 3 пунктун гижны тадзи:

“3) вермытөмъяслы (вермытөм челядылы) налөн вермөмъяс серти төдөмлуньяс, сы лыдын уджсикасын төдөмлуньяс, босьтөмын отсөг сетөмсө котыртөм.”;

5) 8 пунктун:

а) 6 пунктулын “нуөдөм.” кыв вежны “нуөдөм;” кывйөн;

б) содтыны татшөм сюрөса 7 пунктун:

“7) социальнөй услугагас босьтысьяслы, кодьяс босьтөны социальнөй услугагас стационарнөй социальнөй могмөдөмын, медицина организациясө госпитализируйтөм дырйи отсалөм индөм босьтысьяс бөрся дөзьөритөм могысь.”.

**2 статья.** Тайө Оланпасыс вынсялө сийөс официальнөй йөзөдөм бөрын дас лун кольөм мысти.

Коми Республикаса Юралысь

В.В. Уйба

Сыктывкар

2022 вося сора төлысь 4 лун

38-РЗ №